



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

Vt Deum in spiritu adorare & passionem dominicam interius exercere
debemus. 39

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

MARGARITAE EVANG.

exuebaris, & clavis ad crucem affigebaris. Ne
da nos ab omnibus impedimentis gratiæ tuæ, &
cōfirma nos in charitate tua. Hora decima, cum
cruce eleuabaris atq; dicebas: Pater ignosce il-
lis, quia nesciunt quid faciunt; & mœrissimam
matrem tuam consolabaris, & latroni parad-
isum promittebas. Erige in me quicquid contra-
ctum est. Dimitte quicquid male egi. Recipe in
gratiam omnes, qui desiderant gratiam, & om-
nia mœrentia corda consolare. Hora undecima
præ nimio cruciatu sitiebas; a diuinitate tua, &
ab omni creatura relinquebaris, cunctaq; qua
de te scripta erant, consummabas. Da nobis
giter te sitire, nec vnquam nos deseras, sed per-
fice in nobis quæcunque placita sunt tibi. Ho-
ra duodecima spiritum tuum emittebas, com-
mendans eum diuinitati tuæ. Rogo te di-
cissime domine Deus meus, per maximū illum
terrorem ac desolationem, quam in hora mortis
tuæ pro me, & pro nobis omnibus sustinuit, ad-
iuua nos in hora mortis nostræ, & fac diuinita-
tem tuam in nos & per nos lucere, vt territi fug-
ant a nobis omnes aduersarij nostri, Amen.

Qualiter Deum in spiritu adorare & passi-
onem dominicam interius exercere de-
beamus. Cap. XXXIX.

Passionem dominicam cum gratitudine &
amore per modum orationis in spiritu
in nudo animæ fundo sine imaginibus, in-
videlicet vt in diuinitate & in agnitione super-
sanctissimæ Trinitatis permaneamus, exercere
debemus. Vnitas namq; Trinitatis per suam po-
tentiam, sapientiam & amorem operata est in
sanctissimæ

G.
is. Ne
tua. &
ia cum
ofce
limam
arad-
ontra-
cipe in
& om
decima
ua, &
g, que
obis in
ed per
oi. Ha
com-
e dub
illum
mortu
isti, ad
nitae-
ti fug
en.
pall
ere de
XXIX
line d
riau d
us, in
super
cerce
am po
ele in
Stille

LIBER III.

sanctissimam Christi humanitatem, per cuius
passionem nos redempti sumus a domino, per
cuius etiam merita nihil eorum, quæ petierimus,
dummodo salutaria sint, nobis denegare potest.
Ideoque sub missa vel alias tempore nobis placi
to introvertere nos debemus in spiritum nostrum,
in quo beata Trinitas præsens adest, pater vide
licet in memoria, filius in intellectu, & spiritus
sanctus in voluntate. Quod nimirum credendo,
in contemplationem superessentialem transferi
mur. Nusquam enim Deum tam nude inuenire
poterimus, sicut in ipsa nuda animæ essentia, in
qua sanctus ille Esaias propheta ipsum inuenit,
cum diceret: Domine omnia opera nostra opera
tus es nobis. Et Hieremias, cum diceret: Tu in
nobis es domine, & nomen tuum inuocatum est
super nos. Moyses quoque cum facie ad faciē, spi
ritu videlicet ad spiritum secum loqueretur, &
tabulas decalogi acciperet. Dauid etiam quum
cantaret: Nisi quia dominus erat in nobis, forte
uiuos deglutissent nos. Denique omnes sancti
prophetæ hic ipsum inuenerunt, & in seipsis es
se cognouerunt. Ideoque omnia verba sua & pro
phetias ipsi domino ascripserunt, dicentes sem
per, quoties aliqua bona proferebant: Hæc dicit
dominus, abnegantes in hoc seipsos, & honorem
domino tribuentes, quod & omnes homines fa
cere oportet, si domino placere velint. Omnes
demum amici Dei hic ipsum inuenerunt, quot
quot videlicet ad vñionem Dei pertingere, &
coelestem patriam absque purgatorio ingredi po
tuerunt. ¶ Reuertendo proinde ad hoc, quod di
cere cœperam, quoties domino pro amarissima
passione sua gratias agere volumus, in spiritum
nostrum

MARGARITAE EVANG.

nostrum nos conuertere, & ipsum illic presentem esse credere debemus. Qui si tunc veri adoratores esse volumus, ipsum in spiritu & cum spiritu, cum memoria videlicet, intellectu, voluntate et amore adorabimus. Et tunc in tali oratione nonnunquam ipsa gloriosa Trinitas in animis viribus, quibus anima Deo simillima existit, se se manifestat: pater videlicet in memoria cum simplici cogitatu: filius in intellectu cum clara cognitione: & spiritus sanctus in voluntate cum amore, vnum faciens animam cum Deo. Et hic memoriam & intellectum cedere oportet, eo quod cogitare vel intelligere nequeunt ea, quae ibi sentiuntur. Purus vero amor cum ingenti desiderio solus intrare meretur. Et tunc anima ab omni peccato libera efficitur, & Deo in quodam occulto silentio vnitur: ab omni quoque peruersa intentione, & impura affectione exiit, & charitate denuo vestitur, ita vt iam in omnibus pure Dei honorem & proximorum salutem ac profectum desideret & intendat. Qua nimirum charitatis veste sacer Augustinus indutus erat, cum diceret: Amo, amo, nec vnquam amare desinam, donec ipsemet amor efficiar. Sciebat enim quod Deus charitas est, ideoque et ipse charitas siue amor esse volebat. Sanctus quoque Bernardus hoc charitatis indumento vestitus erat, quando dicebat: Ab eo tempore, quo Deum primo agnoscere & videre coepi, non mihi sufficiebat virtutes habere, sed minime cessauit, donec ipse virtus efficeret. Et quidem et ipse agnoscebat Deum esse virtutem, ideo ipse quoque virtus esse volebat. Denique hac veste S. Paulus indutus erat, cum diceret: Quis me separabit a charitate Christi, quae in me est? Siquidem

LIBER III.

dem & ipse nouerat, quod Deus omnipotēs, qui est ipsa vera charitas, intra se erat, quodque anima sua ex hac charitate & amore uiuebat. Ideo que impossibile fore dicebat, ut quisq̄ eū a charitate Dei separaret, quippe qui eiusdem charitatis vinculis constrictus & captus erat. Taliter ergo in nobis ipsis Deum adorare debemus, si a cœlesti patre diligi & amari desideramus.

Internæ de dominica vita & passione orationes. Cap. XL.

GRATIAS ago tibi, o pater cœlestis, q̄ cœlū & terram, & omnia, quæ in eis sunt, creasti atq̄ fecisti. Rogo te per omnia ea, quæ tibi placent in cœlo et in terra, reforma & restaura in me quicquid confractum est, idq̄ per sapientiam filij, & amorē spiritus sancti. ¶ Gratias ago tibi, o cœlestis pater, q̄ per amorē spūs sancti purissimā virginem Mariā idoneā & aptam fecisti, de qua filius tuus humanam naturā assumeret. Ita quæso capacem me fac gratiæ tuæ. ¶ Gratias ago tibi cœlestis pater, q̄ coeternum tibi verbū tuū, per amorē spiritus sancti tui in castissimo virginis Mariæ utero carnē assume fecisti. Et nunc admoneo te, o beata Trinitas, admirabilis operis illius, quod hic in gloriosa virgine es operatus, dulcissimæ videlicet cōmōtionis purissimi amoris in ipsa, cōgregatiōis purissimi sanguinis, perfectionis omnium membrorum, creationis animæ rationalis cū clarissimo intellectu, lucidissima ratiōe, & perfecto amore, in q̄d etiā corpus & animā abyssum diuinitatis tuę infudisti, manēs nihilo minus in teipso immobilis et incōmutabilis diuinitas. Et propter nos in filio